



Službeni glasnik OPĆINE OLOVO

Godina XVII

Broj: 7

Olovo, 25.06.2013.g.

Na osnovu člana 18. Statuta Općine Olovo („Službeni glasnik Općine Olovo“, broj 2/07 i 4/08), a u skladu sa članom 26. Zakona o popisu stanovništva, domaćinstva i stanova u Bosni i Hercegovini 2013. godine („Službeni glasnik BiH“, broj: 10/12 i 18/13), Općinsko vijeće Općine Olovo na VIII redovnoj sjednici održanoj 20.06.2013. godine, d o n i j e l o j e

RJEŠENJE

o formiranju popisne komisije Općine Olovo za popis stanovništva, domaćinstva i stanova u BiH 2013. godine

I

Ovim Rješenjem formira se Popisna komisija općine Olovo za Popis stanovništva, domaćinstva i stanova. U sastav komisije imenuju se:

1. Osman Kopic zaposlenik Službe za ekonomske poslove – katastra – predsjednik,
2. Bruno Grgić član,
3. Radomir Pantić član,
4. Asmir Makaretović član

II

Popisna komisija Općine Olovo u skladu sa Zakonom o popisu stanovništva, domaćinstava i stanova u BiH 2013. godine („Službeni glasnik BiH“, broj: 10/12 i 18/13), obavlja slijedeće poslove:

- rukovodi pripremama, organiziranjem i provođenjem popisa na teritoriji općine,
- vrši izbor i imenovanje instruktora i popisivača za područje općine,
- obavještava stanovništvo o značaju popisa, načinu i vremenu njegovog provođenja, o pravima i dužnostima građana i načinu izvršavanja obaveza u popisu,
- brine o pravilnoj primjeni metodoloških i organizacionih uputstava,
- preuzima štampani popisni materijal i dijeli ga instruktorima, koji ga dalje distribuiraju popisivačima,
- osigurava prostorije i uslove za provođenje obuke općinskih instruktora i popisivača,
- provodi nadzor nad radom instruktora i ostalih učesnika u popisu,
- izdaje učesnicima u popisu propisana ovlaštenja za rad,
- preduzima mjere koje garantiraju kompletan obuhvat jedinica popisa,

- preuzima popisni materijal od instruktora, organizira i kontrolira obuhvat i kvalitet popisnog materijala,
- osigurava skladištenje popisnog materijala uz ispunjenje propisanih sigurnosnih mjera i uslova određenih Zakonom o zaštiti ličnih podataka,
- organizira prijevoz i pravovremeno dostavljanje popisnog materijala na mjesto unosa,
- priprema obračun troškova nastalih za pripremu i provođenje popisa u skladu sa instrukcijama,
- obavlja druge poslove u skladu sa Zakonom i instrukcijama ovlaštenih osoba Federalnog zavoda za statistiku uz obavezno pridržavanje postupaka i definicija koji su dati u Metodologiji za pripremu, organizovanje i provođenje Popisa stanovništva, domaćinstava i stanova u BiH 2013. godine i Uputstva za organizaciju i provođenje Popisa na teritoriji Federacije Bosne i Hercegovine.

III

Za svoj rad Popisna komisija odgovara Kantonalnoj popisnoj komisiji i Federalnom zavodu za statistiku.

IV

Sredstava za finansiranje rada Popisne komisije obezbjeđuju se u skladu sa članom 38. Zakona o popisu stanovništava, domaćinstva i stanova u BiH 2013. godine („Službeni glasnik BiH“, broj 10/12 i 18/13).

V

Mandat Popisne komisije traje do završetka svih poslova Popisa stanovništva, domaćinstva i stanova koji se odnose na terenski rad.

VI

Rješenje stupa na snagu danom donošenja i objavit će se u Službenom glasniku Općine Olovo.

Broj: 01-01-3-1794/13
Datum, 20.06.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr. med.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE OLOVO**

Broj: 01- 01-3- 1401/13

Datum: 20.06.2013. godine.

**ZENIČKO-DOBOJSKI KANTON
KANTONALNA DIREKCIJA ZA CESTE
n/r Direktora**

Predmet: **Urgencija**

Općinsko vijeće Općine Olovo na sjednici održanoj 20.06.2013. godine , pored ostalog razmatralo je pitanje bezbjednosti saobraćaja na regionalnom putu Olovo –Zavidovići na dijelu općine Olovo prvenstveno kroz kanjon rijeke Krivaje.

Konstatovano je da na pojedinim dijelovima puta u kanjonu rijeke Krivaje nedostaje zaštitna ograda, što predstavlja veliku opasnost po bezbjednost saobraćaja od slijetanja vozila u Krivaju a što je u posljednja 3 mjeseca imalo za posljedicu dvije nezgode sa smrtnim ishodima.

S obzirom da je održavanje regionalnog puta u Vašoj nadležnosti , zahtjevamo da odmah bez odlaganja pristupite postavljanju zaštitne ograde na dijelovima puta gdje postoji opasnost za slijetanje vozila u rijeku Krivaju kako bi se u buduće izbjegle slične saobraćajne nesreće koje su imale tragične posljedice gubljenjem života i materijalnih dobara.

Ovu urgenciju molimo da shvatite krajnje ozbiljno i odmah reagujete na način kako smo naprijed naveli.

S poštovanjem,

**PREDSJEDAVAJUĆI
OPĆINSKOG VIJEĆA**

Izudin Kućanović, dr. med. s.r.

„SLUŽBENI GLASNIK OPĆINE OLOVO”

-OGLASNI DIO-

Na osnovu člana 7. Pravilnika o obliku i sadržaju iskaznice inspektora organa uprave u Federaciji Bosne i Hercegovine („ Službene novine FBiH”, broj: 15/08) i akta Općinskog načelnika br: 02-34-7-252-8/2-13 od 24.06.2013. godine,

OGLAŠAVA SE NEVAŽEĆOM

- 1) ISKAZNICA INSPEKTORA, BROJ: 002 od 03.07.1998. godine, IZDATA OD STRANE SLUŽBE ZA PRIVREDU I FINANSIJE OPĆINE OLOVO NA IME –JAMAKOVIĆ ZIJO.**

OPĆINSKI NAČELNIK

Demal Memagić, s.r.

S A D R Ź A J

strana

1. Rješenje o formiranju popisne komisije Općine Olovo za popis stanovništva, domaćinstava i stanova u BiH 2013. godine. 1
2. Urgencija po pitanju postavljanja zaštitne ograde na dijelovima regionalnog puta Olovo – Zavidovići.3
3. Oglasni dio Sl. Glasnika: Objava nevažećom iskaznice inspektora. 4

Ovaj Službeni glasnik istaknut je na Oglasnoj tabli
Općine Olovo dana **25.06.2013.godine.**

Ovjerava:
SEKRETAR
OPĆINSKOG VIJEĆA

Zijad Karić, dipl. pravnik, s.r.